

洋縣志

江蘇吳相融著



洋縣志

藝文

洋縣志卷七

五言古

玩漢水

梁簡文帝

離色崑崙水泓澄龍首梁豈若茲川麗清流疾且徐離離
細磧淨藹藹樹陰疎石衣隨溜卷水芝扶浪舒連翩瀉去
櫟鏡澈倒遙虛耶持點纓上於是察淵魚

駱谷行

唐岑參

聞君行路難惆悵臨長衢豈不憚艱險王程剩相拘憶昨
逢萊宮新授刺史符明主仍賜衣價值千金餘何幸承命
日得與夫子俱携手出華省連鑣赴長途五馬當路嘶按

節投蜀都千崖信縈折一徑何盤紆層冰滑微輪密竹礙
隼旟深林迷昏旦棧道凌空虛飛雪縮馬尾冽風劈我膚
峯攢望天小亭午見日初夜宿月近人朝行雲滿車泉流
石罅拆火入松心枯亞尹同心者風流賢大夫榮祿上及
親之官隨板輿高價振臺閣清詞出應徐成都春酒香且
用俸錢沽浮名何足道海上好乘桴

白沙渡

杜甫

畏途隨長江渡口下絕岸差池上舟楫杳窅入雲漢天寒
荒野外日暮中流半我馬向北嘶山猿飲相喚水清石疊
疊沙白灘漫漫迥然洗愁辛多病一蹶散高壁抵巇峯洪

海越凌亂臨風獨回首攬轡復三嘆

遊崇法院

宋韓縝

久聞雲際山中有古招提新秋喜遠覽銳意窮攀躋出郭
值微雨涼風曉萋萋陂陀越大嶺以路青無泥野沃稻田
秀未耜沿溝畦登岑復入谷漸過西山西舉首望華屋雙
岸鬱相携虛橋駕煙靄峻閣排虹霓下馬踏危級褰裳涉
修梯超然層閣外仰視窮蒼低俯眺亦何有森森喬木齊
喧囂從吏語嘲哢驚禽啼既飯復搜討林間得幽蹊巖阿
訪靈跡大士常高樓古殿蝕苔蘚丹青暗塵壁俯身踐危
蹬側足緣深溪老樹陰潭黑風修飀蟬嘶懸泉洗陰壁瑩

色如玻璃佳觀誠可戀遲留懼顛擠捫蘿出天險始免魂
神睽緩步凌巖嶠雙旌隨杖藜回瞻花雨地已被烟雲迷
頓轡下平陸晴川留馬蹄新篁映碧宇野寺臨長堤乘倦
駐歸策荒園步柔萸婆娑雨高樹磊落垂紅離汲井漱甘
液拂塵觀舊題出門尚斜日隱隱聞城鼙勝槩亦陳迹茫
然失端倪為詩記髣髴吾友無訶詆

有懷楊冲遠

雍冲

積雪蓋重峯巖松迷翠影扶筇啓靜扉耐此茅簷冷幽澗
凍鳴泉釣翁立昨艣伊人不可即憂懷結怲怲

奇石篇

明
李遇知

瞻彼中梁山秀潔氣葱葱上有石丈人匠意見天工巨靈
潛呵護千古長鴻濛百川時灌河短棹波溶溶汎彼一葉
舟直下漢江東移石入我園一壺碧玲瓏浪落天河水窻
明玉女峯淡冶碧雲合巔岼皓目通或根如紫芝或黛如
青銅或如嶰谷笋或如林慮童或瘠如五老青天削芙蓉
或狂如楚猿海上似仙翁我有一斗室偃蓋兩株松入林
復叩室泠泠欲御風自慚漱石人性乃嗜疎慵卓哉王子
喬知我躡幽蹤補天之所餘突兀下虛空袍笏追米顛登
車魏次公陶陶惟一醉長嘯倚崆峒

今縣署廳事前有石
玲瓏應是

牡丹行

李遇知

世人愛牡丹漁溪笑其俗所以獨愛蓮仰續淵明菊我有
半畝園天香種如簇當其蓓蕾時牀頭酒亦熟木難豎火
齊陸離堆金谷水邊見洛神偏警陳思目恍如白毫光說
法坐天竺忽現紫金身莊嚴不可觸醉月且坐花不道醒
堪獨謂言此花濃我本淡無欲物原無代謝心自生剝復
豈必淡為榮豈必濃為辱但使涅不緇不須薄梁肉無入
不自得豈受塵緣覺此義通於禪解脫是清福

京寺書懷五首

本朝

張雲翼

早歲奮鵬路擬射金門策父命出三陟上書入九陌
皇
王嘉蓋忠錫以通候壁蠟蠹實不才殊擢恤寸赤檢局陟

大府祿受二千石藻衣綰犀印緹扇輝金舄尸位代天工
深慚襪線圻清班凜素餐五課用自責

考牧佩蒼玉銀章映青綬出入王之命五監領六廐百萬
雲錦色一一供馳驟緬昔周建官底閑事乃懋我生百世
下餘塵步其後矢彼子民儉衣自無兼副賜錢及杯案况
復皇恩厚悠悠思古人養生績庶奏

秩宗典三禮后夔司六樂常奉久兼綜列候崇其爵平寬
入容臺安敢自菲薄朝為析聲律夕為省拊搏聖帝自
揮絃審音煩睿作功成太和宣淩韶復軼獲于焉肅郊廟
虔為傳龍杓仰見洽天人晴光動六幕

法冠臨棘署執方秦秋卿古制兼兵獄勅罰惟慎明明刑
以弼教所稱天下平昔賢泣丹筆罪疑則惟輕詎徒容駟
馬先意實好生春秋孔刑書乃為金科程千古于定國引
經擅令名致君終有術漫云析律精

我后御熙洽延儒闡大道啓沃談九經詞臣日入告紫
雲靄銅鶴楮案端玉琯備員侍講席聖學仰深造娓娓論
義畫天心見壺奧臨軒復策士崇雅黜浮躁分以金蓮
炬莊如誦典誥願言翊文治景運歌丕冒

題漢前將軍廟壁

李

栢

字雪木
見流寓

大哉闕雲長私淑孔仲尼匹馬孔子車寶刀孔子筆扶漢

尊周法討賊賤霸律孫曹強晉楚靈獻威報匹將軍仗大
義心如天之日結髮事先主乃心在漢室君臣盛高光征
伐天子出百折志益壯但恨賊不黜百戰非好鬪戡定需
勇師赤精運雖衰之死吾事畢仲由為蒞醢衛輒豈無失
將軍讀春秋見義精且密富貴不能淫威武不能屈烈烈
大丈夫漢代人第一

湧泉寺并序

毛際可

浙江遂安人城固令

辛亥孟秋余禱雨至湧泉寺其池方廣數畝澄澈可
鑒毫髮有泉湧出如散珠碎璧霏微不絕余以錫瓶
擲水中飄浮不墜懇禱數四乃沉底父老謂須其

浮乃為龍湫之驗余謂古語瓶墜水中永無出理然
以中情虔切祈拜不敢稍懈自辰至酉間迅雷一聲
余方謂無雲而雷必非雨兆轉盼之間其瓶忽浮出
水面為之舌矯而不能下捧齎下山未及半里驟雨
滂霈衣袂無寸乾者始信神理響應不可以尋常耳
目測也初禱雨時許為歌頌以揚神牀不敢負諾謹
為五言古律一章以榜簷額不自知其俚拙也

田家望西成秋陽轉酷熱
兼旬闕甘霖旱魃恣為孽
父老往荷鋤渠道苦爭決
灑淚枯苗根班班皆成血
目擊慘心顏步禱忘雙蹙
茲泉久得名冬夏共寒冽
地肺誰灌輸累

累如珠綴銀瓶擲泉底深墜蛟螭沈晨光肆拜祈日久未
敢輟浮出忽有神疑值幽靈挈兒童競懼舞余亦驚目瞢
須臾陰霾生風霆若奔掣驟雨撲鬚眉氣閉不得噎始知
天人理影響如相迭土膏已滋潤萬寶偕成結寸胸鏤神
功書以告來哲

夏耘詞

嚴如燈

火雲燒紅日溪澗翻沸湯徙倚柳陰下招風解衣襦卻顧
杖藜老僮僕田中央脊背曬漆黑手足交蹶張我與老翁
語憊矣待陰涼老翁前致辭穡事官未詳亂苗惡生莠不
去田蕪荒拔根期害絕暴之趁朝陽芄芄非易致敢辭汗

澤縣志 卷之六
流滂官但苦炎熱暑節本其常承長及腰腹稗肥雜青蒼
泥深腳難拔芒銳皮肉傷上有蠓蚋嘍下咀巨蝢蝗糝糊
血滿腿疼痛肢體僵但能秋有穫炎熱固相忘我憫老翁
苦聞言重徬徨作苦田家事拮据望登場新穀五月賣幾
人隔歲糧豪家飫珍錯墨吏饜膏梁詎知樽中酒炙脂盈
其旁詎知甑中飯汗血粒粒藏炎威爾不知冰水調華堂
胡不當烈日赤腳行農莊

渡白沙經渭門至環珠廟

董詒

西征望梁洋載驅四百里陟巘復降原日昃溯漢溪今朝
渡白沙忽復循其委自極烟波長行共清流駛地幻高卑

經躔迷南北晷輝將計程勞轉作歸途喜方折俄回流涓
門驤然峙黽陟其巔微徑連岡起崎嶇一舍外盈盈何
處水不問漁濱人焉知造物偉茲山如驪珠龍抱隨飀飀
大小黃金南清淺石齒齒委折出其間勢如磨旋蟻朝發
復暮宿道里紛難紀洄漩成轉轂汹涌激山址隱若環未
交來往所行是間之生長歎徬徨為徙倚事非目所經未
易憑臆擬漢水不西流謫仙虛語耳貴耳不貴目人事多
如此

正月二
十四日

陳姚諸生為余安筆硯尊經閣下岳震川

高營雖東去未敢歸茅屋巴蜀通呼吸渠魁恣往復諸營

總未減

齊王氏王三槐冉文疇羅其清等

據處食民畜遷徙不擇音頓路

若駭鹿我為久客計遠移一困穀姻黨慕儒術諸子森如
竹宮牆肅然入蒼翠羅嘉木聖道夫豈遠所忌在干祿羣
經如提耳植根童孺讀但用便身圖此事堪痛哭烏烏有
歡聲雨餘風清穆灑然忘憂患可以樂幽獨

擬柳子厚商於路孤松

陳洪範

字九疇舉人

不植泰山阿乃在商於路勢將傲冰霜甯復傷朽蠹虬枝
老龍鱗鬼神煩守護雲深渥澤多湛湛常承露

輓曾明府

王沆

世變有奇劫士窮有奇節劫肆虎狼威節噴忠義血十載

妖氛熾勦撫各有別何期養卒一旦紀綱裂五郎藩離

破遂摧華陽堞禍起倉猝間保身競明哲

叛匪起於璽陝鎮破城後延及

華陽遂攻泃縣

困獸肆獍獍焚掠撲泃城孤城卑且頑眾寡復難

爭我公誓死守矢志何忠誠俱亡甘與城不負守土名一

心念子姓寧肯惜捐生湯烙何足懼終罵炯雙睛慷慨臨

大節公死何錚錚大吏痛慘死撫實奏天子天子為感

動臣節能如此賜恩加崇秩報忠隆祠祀卓哉真民牧嘉

名光國史我聞憤懣結伏枕增嗚咽憶昔丁巳秋羣兇

競剽竊縱橫秦楚交白土雄關設我兄奮忠勇扼搃防衝

決無如賊數萬破壘刀環列胸被十數創罵賊聲不絕

聖主憫蓋汪錫卹同一轍兄樸園令南鄭掛吏議嘉慶元
五日賊逆高均德攻平利之白土關樸園守關垣聞警率
兵勇六百援與都司趙禧均戰死事聞特旨照現任
以知卅議卹今孔林亦吁嗟乎不謂守土與守關昆弟友朋
得雨傑

輓劉醒菴二尹

陳 邴

節義本天性死生見定力卓哉劉二尹浩氣滿胸臆愛讀
忠烈傳義憤形於色每謂官雖卑終當思報國丙寅七月
秋山陬生鬼蜮二尹本閭曹守土非其職慷慨勗丁壯登
陴衛社稷城破身被創男兒羞避匿清池我死所肯使豺
狼得身死尚持刀為勵思殛賊高節並同堂爭把綱常植